

杵尺_反與箕_竹居之_反曰_音春₁幕_{正作}希_幕拂₁

攝大乘論卷中

曰九

陳天竺三藏真諦於廣州譯

應知勝相第二之二

若唯識似塵顯現依止說名依他性云何成
依他何因緣說名依他從自熏習種子生故
繫屬因緣不得自在若生無有功能過一刹

那得自在故說名依他若分別性依他實
無所有似塵顯現云何成分別何因緣說名
分別無量相貌意識分別顛倒生因故成分
別無有自相唯見分別故說名分別若真實
性分別性永無所有爲相云何成真實何因
緣說名真實由如無不如故成真實由成就

清淨境界由一切善法中最勝於勝義成就
故說名真實復次若有分別及所分別分別
性成此中何法名分別何法所分別何法名
分別性意識是分別具三種分別故何以故
此識自言熏習爲種子及一切識言熏習爲
種子是故此生由無邊分別一切處分別但
名分別說名分別此依他但是所分別是因
能成依他性爲所分別此中名分別性云何
分別能計度此依他性但如萬物相緣何境
界孰何相貌云何觀見云何緣起云何言說
云何增益由名等境界於依他性中由孰著
相由決判起見由覺觀言說緣起由見等四

種言說實無有塵計實有爲增益由此因故
能分別此三種性云何與他爲異爲不異非
異非不異應如此說有別義依他性名依他
有別義此成分別有別義此成真實何者別
義說此名依他從熏習種子生繫屬他故復
有何義此成分別此依他性爲分別因是所

分別故成分別復有何義此成真實此依他性或成真實如所分別實不如是有故復有何義由此一識成一切種種識相貌本識識所餘生起識種種相貌故復因此相貌生故依他性有幾種若略說有二種一繫屬熏習種子二繫屬淨品不淨品性不成就是故由

此二種繫屬說名依他分別性亦有二種一由分別自性二由分別差別真實性亦有二種一自性成就二清淨成就復有分別更成四種一分別自性二分別差別三有覺四無覺有覺者能了別名言衆生分別無覺者不能了別名言衆生分別後次分別有五種一

日九

二

依名分別義自性譬如此名目此義二依義分別名自性譬如此義屬此名三依名分別名自性譬如分別未識義名四依義分別義自性譬如分別未識義名五依二分別二自性譬如此名此義何義何名若攝一切分別復有十種一根本分別謂本識二相分別謂

色等識三依顯示分別謂有依止眼等識識四相變異分別謂老等變異苦樂等受欲等或及在時節等變異地獄等欲界等變異五依顯示變異分別謂如前所說變異起變異分別六他引分別謂聞非正法類聞正法類分別七不如理分別謂正法外人非正法類分別八如理分別謂正法內人聞正法類分別九決判執分別謂不如理思惟種類身見爲根本與六十二見相應分別十散動分別謂菩薩十種分別無有相散動有相散動增益散動損減散動一執散動異執散動通散動別散動如名起義散動如義起名散動爲對治此十種散動分別故於一切般若波羅蜜教中佛世尊說無分別智能對治此十種散動應知具足般若波羅蜜經義如般若波羅蜜經言云何菩薩行於般若波羅蜜舍利弗是菩薩實有菩薩不見有菩薩不見菩薩名不見般若波羅蜜不見行不見不行不見

日九

三

色不見受想行識何以故由自性空不由空空見色空非色無色異空故色即是空空即是色何以故舍利弗此但有名所謂色是自性無生無滅無染無淨對假立名分別諸法由假立客名隨說諸法如如隨說如是如是生起執著如此一切名菩薩不見若不見不生執著如觀色乃至識亦應作如此觀由此般若波羅蜜經文句應隨順思惟十種分別義若由此別意依他性成有三性是三性云何性有三異不成相雜無相雜義由此道理此性成依他不由此成分別及真實由此道理此性成分別不由此成依他及真實由此道理此性成真實不由此成依他及分別云何得知此依他性由分別性顯現似法不與分別性同體未得名前於義不應生智故法體與名一則此義相違由名多故若名與義一名既多義應成多此義體相違由名不定體相雜此義相違此中說偈

於名前無智 多名及不定 義成由同體
多雜體相違 法無顯似有 無染而有淨
云何如此顯現而實非有依他性一切種非
不有若無依他性真實性亦無一切無不成
若無依他性及真實性則有無染汙及清淨
品過失此二品可知非無是故非一切皆無
此中說偈

若無依他性 真實性亦無 則恒無二品
謂染汙清淨

諸佛世尊於大乘中說釋佛略經此經中說
云何應知分別性由說無有品類此性應知
云何應知依他性由說幻事鹿渴夢相影光
影響水月變化如此等譬應知其性云何應
知真實性由說四種清淨法應知此性四種
清淨法者一此法本來自性清淨謂如如空
實際無相真實法界二無垢清淨謂此法出
離一切客塵障垢三至得道清淨謂一切助

道法及諸波羅蜜等四道生境界清淨謂正說大乘法何以故此說是清淨因故非分別清淨法界流故非依他由此四種清淨法攝一切清淨法皆盡此中說偈

幻等顯依他 說無顯分別 若說四清淨此說屬真實 清淨由本性 無垢道緣緣

一切清淨法 四皆攝品類

何因何緣是依他性如經所說幻事等譬所顯於依他性中爲除他虛妄疑惑云何他於依他性中生虛妄疑惑諸說於依他性中有如此虛妄疑惑若實無有物云何成境界爲決此疑故說幻事譬若無境界心及心法云何得生爲決此疑故說鹿渴譬若實無塵愛非愛受用云何得成爲決此疑故說夢相譬若實無法善惡二業愛非愛果報云何得生爲決此疑故說影譬若實無法云何種種智生爲決此疑故說光影譬若實無法云何種言說起爲決此疑故說谷響譬若實無法

云何成緣真實法定心境界爲決此疑故說水月譬若實無法云何諸菩薩故作心無顛倒心爲他作利益事於六道受生爲決此疑故說變化譬婆羅門間經中言世尊依何義說如此言如來不見生死不見涅槃於依他性中依分別性及依真實性生死爲涅槃依

曰文

五

無差別義何以故此依他性由分別一分成生死由真實一分成涅槃阿毗達磨脩多羅中佛世尊說法有三種一染汙分二清淨分三染汙清淨分依何義說此三分於依他性中分別性爲染汙分真實性爲清淨分依他性爲染汙清淨分依如此義故說三分於此義中以何爲譬以金藏土爲譬譬如於金藏土中見有三法一地界二金三土於地界中土非有而顯現金實有不顯現此土若以火燒鍊土則不現金相自現此地界土顯現時由虛妄相顯現金顯現時由真實相顯現是故地界有二分如此本識未爲無分別智火

所燒鍊時此識由虛妄分別性顯現不由真實性顯現若爲無分別智火所燒鍊時此識由成就真實性顯現不由虛妄分別性顯現是故虛妄分別性識即依他性有二分譬如今藏土中所有地界復次有處世尊說一切法常住有處說一切法無常有處說非常非無常依何義說常此依他性由真實性分常住由分別性分無常由二性分非常非無常如依此義說常無常無二如此說苦樂無二善惡無二空不空無二有我無我無二靜不靜無二有性無二有生無生無二有滅無滅無二本來寂靜不寂靜無二本來涅槃非涅槃無二生死涅槃無二由如此等差別諸佛如來依義密語由此三性應隨波了常無常等正說如前解釋此中說偈

如法實不有 如彼種種現 由此法非法故說無二義 依一分說言 或有或非有依二分說言 非有非非有 如顯現不有

是故說求無 如顯現實有 是故說非無由自體非有 自體不住故 如取不有故三性成無性 由無性故成 前爲後依止無生滅本靜 及自性涅槃

復次有四意四依一切佛世尊教應隨決了一平等意譬如有說昔是時中我名毗婆尸

曰九

六

父已成佛二別時意譬如有說若人誦持多寶佛名決定於無上菩提不更退墮復有說言由唯發願於安樂佛土得往彼受生三別義意譬如有說事如是等恒伽沙數沙數諸佛於大乘別義得生覺了四衆生樂欲意譬如意如來先爲一人讚歎布施後還毀訾如施戒及餘修亦余是名四種意四依者一令入依譬如於大小乘中佛世尊說人法二種通別二相所攝俗諦二相依譬如此說法相中必有三性三對治依此中八萬四千衆生煩惱行對治顯現四翻依此中由說別義言詞以顯別義譬如意言

阿婆離娑羅摩多耶 毗跋耶斯者修繩多

離施那者僧柯履多

羅樂底菩提物多摩

若人欲廣解釋大乘法略說由三相應當如此解釋一廣解釋緣生體相二廣解依因緣已生諸法實相三廣解成立所說諸義廣解釋生體相者如偈說言熏習所生諸法此從彼

如此果報識及生起識由更互因生廣解釋依因緣已生諸法實相者諸法者謂生起識爲相有相及見識爲自性復次諸法依止爲相分別爲相法亦爲相由此言說於三性中諸法體相則得顯現如偈言
從有相有見 應知法三相

曰九

七

云何得解說此法相分別性於依他性實無所有真實性於中實有由此二不有有故非得及得未見已見真如一時自然成於依他性中分別性無故真實性有故若見彼不見此若不見彼即見此如偈言
依他中分別 無但真實有 故不得及得

於中二平等

廣解成立所說諸義者譬如初所說文句由所餘諸句顯示分別或由功德依止或因事義依止功德依止者廣說佛世尊功德最清淨慧無二行無相法爲勝依意行住於佛住至得諸佛平等行無礙行不可破無對轉法不可變異境不可思惟所成立法至三世平等於一切世界現身於一切法智慧無礙一切行與智慧相應於法智無礙不可分別身一切菩薩所受智慧至無二佛住波羅蜜至無差別如來解脫智究竟已得無邊佛地平等法界爲勝虛空界爲後邊最清淨慧如此初句由所餘句次第應知分別解釋若如此正說法義得成最清淨慧者諸佛如來智慧於一切法清淨無不了別如此本義應知由二十一佛功德所攝於所知一切無障行起功德於有無無二相真如最清淨令入功德不由功用不捨如來事佛住功德於法身依

止及意事無差別功德修習一切障對治功德降伏一切外道功德生於世間非世間法所染汙功德安立正法功德四種善巧答他問功德於一切世界中顯現應化身功德能波他疑功德由種種行能令他入功德於未來世法生智功德隨衆生樂顯現功德能行無量依止衆生正教化事功德平等法身波羅蜜成就功德隨衆生意顯現純淨佛土功德是三種佛身無離無別處功德窮生死際能生一切衆生利益安樂功德由無盡功德因事義依止者如經言若菩薩與三十二法相應說名菩薩於一切衆生與利益安樂意

日九

八

不惟訶責於一切威儀中恒持菩提心不求果報而行布施不著一切怖畏及道生受持禁戒於一切衆生忍辱無礙爲引攝一切善法行於精進修三摩提滅離無色定與方便相應智四攝相應方便於持戒破戒中善友無二事善知識恭敬心聽法恭敬心樂住阿蘭若處於世間希有不生安樂心於下品乘不生喜樂心於大乘教觀實功德遠離惡友敬事善友恒持四種梵住治無量心清淨恒遊戲五神通恒依智慧行於住正行不住正行衆生無捨離心引攝大眾一向決定言說恭敬實事先恭敬行菩薩心與如此等法相應說名菩薩由如此文句前說初句應知解說初句者謂於一切衆生利益安樂意此利益安樂意文句別有十六文句所顯業應知解說十六業者一傳傳行業二無倒業三不由他事自行業四不可壞業五無求欲業有三句解釋應知不貪報恩有恩無恩衆生不

日九

九

生愛憎心隨順行乃至餘生隨處相應言說業有二句解釋應知有苦有樂無二衆生平等業無下劣業不可令退轉業攝方便業厭惡所對治業有二句解釋應知無間思量業行進勝位業有七句解釋應知正修加行六波羅蜜恭敬行四攝成就方便業有六句解釋

應知事善知識聽聞正法住阿蘭若處遠離邪覺觀正思惟功德有二句顯事善友功德有二句顯成就業有三句解釋應知治無量心清淨得威德證得功德安立他業有二句解釋應知引攝大眾無疑心立正教學處法財二攝無染汙心如此等句應知解釋初

說文句此中說偈

取如前說句 隨德句差別 取如前說句由義別句別

攝大乘論應知入勝相第三

如此已說應知勝相云何應知應知入勝相多聞所熏習依止非阿黎耶識所攝如阿黎

耶識成種子正思惟所攝似法及義顯相所生似所取種類有見意言分別何人能入應知相大乘多聞熏習相續已得承事無量出世諸佛已入決定信樂正位由善成熟修習增長善根是故善得福德智慧二種資糧諸菩薩於何處入唯識觀有見似法義顯相意言分別大乘法相所生於願樂行地入謂隨聞信樂故見道謂如理通達故修道謂能對治一切障故究竟道中一切法實唯有識如說隨聞信樂故如理通達故能對治一切障故出離障垢最清淨故云何得入由善根力持故由有三相鍊磨心故由滅除四處障故緣法義爲境無間修恭敬修奢摩他毗鉢舍那無放逸故十方世界無數量故不可數量在人道衆生刹那剎那證得無上菩提是名第一練磨心由此正意施等諸波羅蜜必得生長是我信樂已得堅住由此正意我修習施等波羅蜜進得圓滿則爲不難是名第二

曰九

十

練磨心若人與衆善法相應後捨命時於一切受生中可愛富樂自然而威是人得有礙善此義尚應成云何我得圓滿善及無礙善一切如意可愛富樂而當不成是名第三練磨心此中說偈

人道中衆生念念證菩提處所過數量

故無下劣心善心人信樂能生施等度勝人得此意故能修施等若善人死時即得勝富樂滅位圓淨善此義云何無由滅除四處故由捨離聲聞獨覺思惟故邪思惟滅於大乘中生信心及決了心故滅一切邪意及疑是所聞思諸法中捨離我及我所邪執故是故滅除法執安立現前住一切相思惟悉不分別是故能滅除分別此中說偈現住及安立一切相思惟智人不分別故得無上覺

緣法及義爲境何因何方便得入由聞熏習種類正思惟所攝顯現似法及義有見意言

分別故由四種尋思謂名義自性差別假立尋思由四種如實智謂名義自性差別如實智四種不可得故若菩薩已入已解如此等義則修加行爲入唯識觀於此觀中意言分別似字言及義顯現此中是字言相但意言分別得如此通達此義依名言唯意言分別

日九

士

亦如此通達此名義自性差別唯假說爲量亦如此通達次於此位中但證得唯意言分別是觀行人不見名及義不見自性差別假說由實相不得有自性差別義已由四種尋思及四種如實智於意言分別顯現似名及義得入唯識觀於唯識觀中入何法如何法得入但入唯量相見二法種種相貌名義自性差別假說自性差別義六種相無義故由此能取所取非有爲義故一時顯現似種種相貌及生故譬如闍中藤顯現似蛇猶如於藤中蛇即是虛實不有故若人已了別此藤義先時蛇亂智不緣境起即便謝滅唯藤智

在此藤智由微細分析虛空無實境何以故
但是色香味觸相故若心緣此境藤智亦應
可滅若如此見已伏滅六相顯現似名及義
意言分別塵智不生譬如蛇智於伏滅六相
真如智故如此菩薩由入似義顯現意言分

入此相得入初歡喜地善通達法界得生十
方諸佛如來家得一切衆生心平等得一切
菩薩心平等得一切諸佛如來心平等此觀
名菩薩見道

復次何故菩薩入唯識觀由緣極通法爲境
出世奢摩他毗鉢舍那智故由無分別智後
日九名菩薩見道

別相故得入分別性由入唯識義故得入依
他性及云何得入真實性若捨唯識想已是
時意言分別先所聞法熏習種類菩薩已了
別伏滅塵想似一切義顯現無復生緣故不
得生是故似唯識意言分別亦不得生由此
義故菩薩唯住無分別一切義名中由無分
別智得證得住真如法界是時菩薩平等平
等能緣所緣無分別智生由此義故菩薩得
入真實性此中說偈

別智得證得住真如法界是時菩薩平等平
等能緣所緣無分別智生由此義故菩薩得
入真實性此中說偈

菩薩如幻師於一切幻事自了無倒於一切相
因緣及果中若正說時常無偏倒

是時正入唯識觀位中有四種三摩提是四
種通達分善根依止菩薩云何應見由四種
尋思於下品無塵觀忍光得三摩提是暖行

通達分善根依止於最上品無塵觀忍光增

如是菩薩由入唯識觀故得入應知勝相由

三摩提是頂行通達分善根依止於四種如意實智菩薩已入唯識觀了別無塵故正入真義一分通行三摩提是隨非安立諦忍依止此三摩得最後刹那了伏唯識想轉名無間三摩提應知是世第一法依止四種三摩提是菩薩入非安立諦觀前方便若菩薩如此

入初地已得見道得通達入誰識云何菩薩修習觀行入於修道如佛廣說所安立法相於菩薩十地由攝一切如來所說大乘十二部經故得現前由治所說通別二境由生起緣極通境出世無分別智及無分別智後所得奢摩他毗鉢舍那智由無量無數百千俱

日九

十三

祇大劫中依數數修習由昔及今所轉依爲大得三種佛身更修加行是聲聞見道是菩薩見道此二見道差別云何聲聞菩薩見道應知有十一種差別何者爲十一一由境界差別謂緣大乘法爲境二由依止差別謂依大福德智慧資糧爲依止三由通達差別謂

通達人法二無我四由涅槃差別謂攝無住處涅槃以爲住處五由地差別謂依十地爲出離六七由清淨差別謂滅煩惱習氣及治淨土爲清淨八由於一切衆生得平等心差別謂爲成熟衆生不捨加行功德善根九由受生差別謂生如來家爲生故十由顯現差別謂於佛子大集論中常能顯現爲攝受正法十一由果差別謂十力無畏不共如來法及無量功德生爲果故此中說兩偈
名義互爲客 菩薩應尋思 應觀二唯量及彼二假說 從此生實智 離塵分明三若見其非有 得入三無性

又正教兩偈如分別觀論說
菩薩在靜位 觀心唯是影 捨離外塵相
唯定觀自想 菩薩住於內 入所取非有
次觀能取空 後禪二無得
復有大乘莊嚴經論所說五偈爲顯此道
菩薩生長福及慧 二種資糧無量際

於法思惟心決定 能了義類分別因
已知義類但分別 得住似義唯識中
故觀行人證法界 能離二相及無二
若離於心知無餘 由此即見心非有
智人見此二不有 得住無二真法界
由無分別智慧人 恒平等行遍一切

染衣稠密過聚性 遣滅如藥能除毒
佛說正法善成立 安心有相於法界
已知憶念唯分別 功德海岸智人至
攝大乘論入因果勝相第四

如此已說入應知勝相云何應知入因果勝
相由六波羅蜜謂陀那尸羅羼提毗梨耶持

日九

十四

訶那般羅若波羅蜜云何由六波羅蜜得入
唯識復云何六波羅蜜成入唯識果此正法
內有諸菩薩不著富樂心於戒無犯過心於
苦無壞心於善修無懶墮心於此散亂因中
不住著故常行一心如理簡擇諸法得入唯
識觀由依止六波羅蜜菩薩已入唯識地次
故爲對治六種惑障立波羅蜜有六數爲一

得清淨信樂意所攝六波羅蜜是故於此中
間設離六波羅蜜功用由信樂正說愛
重隨喜願得恩惟故恒無休息行故修習六
波羅蜜究竟圓滿此中說偈

修習圓白法 能得利疾忍 菩薩於自乘
甚深廣大說 覺唯分別故 得無著智故

是樂信清淨 名清淨意地 菩薩在法流
前後見諸佛 已知菩提近 無難易得故
何故波羅蜜唯有六數爲安立能對治六種
惑障故爲一切佛法生起依處故爲隨順成
熟一切衆生依止故爲對治不發行心因故
立施戒二波羅蜜不發行心因者貪著財物
及至室家若已發修行心爲對治退弱心因
故立忍精進二波羅蜜退弱心因者謂生死
衆生違逆若事長時助善法加行疲怠若已
起發行及不退弱心爲對治壞失心因故立
定慧二波羅蜜壞失心因者謂對亂邪智是

四九

十五

一切佛法生起依處故者前四波羅蜜是不散亂因次一波羅蜜是不散亂體由依止此不散亂故能如實覺了諸法真理一切如來正法皆得生起是故爲一切佛法生起依處止波羅蜜有六數爲隨順成熟一切衆生依止故者由施波羅蜜利益衆生由戒波羅蜜不損惱衆生由忍波羅蜜能安受彼毀辱不起報怨心由精進波羅蜜生彼善根滅彼惡根由此利益因一切衆生皆得調伏次彼心未得寂靜爲令寂靜已得寂靜爲令解脫故立定慧二波羅蜜由此六度菩薩善教衆生故得成就是故爲道順成熟一切衆生依止立波羅蜜有六數由如此義是故應知成立波羅蜜有六數

此六波羅蜜相云何可見由六種最勝六波羅蜜通相有六一由依止無等謂依止無上菩提心起二由品類無等謂一一波羅蜜略說皆有三品菩薩皆具修行三由行事無等謂安樂利益一切衆生事菩薩所行諸度皆爲成此二事故四由方便無等謂無分別智菩薩所行諸度皆是無分別智所攝故五由迴向無等謂迴向無上菩提菩薩所行諸度決定轉趣一切智果故六由清淨無等謂惑智二障永滅無餘菩薩所行諸度分分除二障乃至皆盡故施即是波羅蜜波羅蜜即是施耶有是施非波羅蜜有是波羅蜜非施有是施是波羅蜜有非施非波羅蜜如施中四句應知餘度亦有四句云何說六波羅蜜如此次第前前波羅蜜隨順次生後後波羅蜜故復次前前波羅蜜由後後波羅蜜所清淨故

依何義立六度名此義云何可見於一切世間聲聞獨覺施等善根中最勝無等故以能到彼岸故是故通稱波羅蜜能破滅憊惜嫉妬及貧窮下賤苦故稱陀復得爲大富主及能引福德資糧故稱那能寂靜邪戒及惡道

故名尸復能令得善道及三摩提故稱羅能滅除瞋恚及忿恨心故名羼復能生自他平和事故稱提能滅除嬾墮及諸法惡名毗梨復行不放逸生長無量善法故稱耶能滅除散亂故名持訶又能引心令住內境故稱那能滅一切見行能除邪智故名般羅能緣真

相隨其品類知一切法故稱若

云何應知諸波羅蜜修習若略說應知修習有五種一修加行方法二修信樂三修思惟四修方便勝智五修利益他事此中前四修應知如前利益他事修者諸佛無功用心不捨如來事修習諸波羅蜜至圓滿位中更修

諸波羅蜜

復次思惟修習者愛重隨喜願得恩惟六意攝所修六意者一廣大意二長時意三歡喜意四有恩德意五大志意六善好意廣大意者若菩薩若干阿僧祇劫能得無上菩提以如此時爲一剎那剎那菩薩於此時中剎那

剎那常捨身命及等恒伽沙數世界滿中七寶奉施供養如來從初發心乃至入住究竟清涼菩提是菩薩施意猶不滿足如此多時剎那剎那滿三千大千世界熾火菩薩於中行住坐卧爲四威儀離一切生生之具戒忍精進三摩提般若心菩薩恒現前修乃至入住究竟清涼菩提菩薩戒忍等意亦不滿足是無獸足心是名菩薩廣大意若菩薩從初發心乃至成佛不捨無獸足心是名菩薩長時意若菩薩由六波羅蜜所作利益他事常生無等歡喜衆生得益其心歡喜所不能及是名菩薩歡喜意若菩薩行六波羅蜜利益

日九

十七

衆生已見衆生於我有大恩德不見自身於彼有恩是名菩薩有恩德意若菩薩從六波羅蜜所生功德善根施與一切衆生以無著心迴向爲令彼得可愛重果報是名菩薩大志意若菩薩所行六波羅蜜功德善根令一切衆生平等皆得爲彼迴向無上菩提是名

菩薩善好意由此六意所攝愛重思惟菩薩

修習若菩薩隨喜無量菩薩修加行六意所生功德善根是名菩薩六意所攝隨喜思惟若菩薩願一切衆生修行六意所攝六波羅蜜及願自身修行六意所攝六波羅蜜加行乃至成佛是名菩薩六意所攝願得思

惟若人得聞六意所攝菩薩思惟修習生一念信心是人則得無量無邊福德之聚諸惡業障壞滅無餘若人但聞尚得無量無邊福德何況菩薩盡能修行

云何應知諸波羅蜜差別由各有三品知其

三品者一守護戒二攝善法戒三攝利衆生戒忍三品者一他毀辱忍二安受苦忍三觀察法忍精進三品者一勤勇精進二加行精進三不下難壞無足精進定三品者一安樂住定二引神通定三隨利他定般若三品者一無分別加行般若二無分別般若三無分

別後得般若

云何應知諸波羅蜜攝義一切善法皆入六波羅蜜攝以爲彼性故彼是六波羅蜜所流果故一切善法所隨成故

云何應知諸波羅蜜所對治攝一切惑以爲彼性故爲彼生因故爲彼所流果故

云何應知諸波羅蜜功德若菩薩輪轉生死大富位自在所攝大生所攝大眷屬徒衆所攝大資生業事成就所攝無疾惱少欲等所攝一切工巧明處聰慧所攝如意無失富樂利益衆生爲正事故菩薩修行六度功德乃至入住究竟清涼菩提恒在不異故

云何應知諸波羅蜜更互相顯世尊或以施名說諸波羅蜜或以戒名或以忍名或以精進名或以定名或以般若名說諸波羅蜜如來以何意作如此說於波羅蜜修行方便中一切餘波羅蜜皆聚集助成故此即如來說意此中說鬱陀那偈

位數相次第 名修差別攝 對治及功德
互顯諸度義

十朱

曰九

枉軒往曲也 反鞞步迷反 締丑之反 締若下而者反此云寂靜地可修處也 藤徒蔓登反 析析先擊反 分俱胝俱胝下珍遲一千萬此云雲 提上初眼初膺反 俱二音 此云忍辱

攝大乘論卷中

曰十

陳天竺三藏真諦於廣州譯

入因果修差別勝相第五

如此已說入相因果勝相云何應知入因果修差別由十種菩薩地何者爲十一歡喜地二無垢地三明焰地四燒然地五難勝地六現前地七遠行地八不動地九善慧地十法雲地云何應知以此義成立諸地爲十爲對治地障十種無明故於十相所顯法界有十種無明猶在爲障何者能顯法界十相於初地由一切遍滿義應知法界於二地由最勝義於三地由勝流義於四地由無攝義於五

地由相續不異義於六地由無染淨義於七地由種種法無別義於八地由不增減義於九地由定自在依止義由土自在依止義由智自在依止義於十地由業自在依止義由陀羅尼門三摩提門自在依止義應知法界此中說偈

遍滿最勝義 勝流及無攝 無異無染淨種種法無別 不增減四種 自在依止義

業自在依止 捏持三摩提

如此二偈依中邊分別論應當了知復次此無明應知於二乘非染汙於菩薩是染汙云何初地名歡喜由始得自他利益功能故云何二地名無垢此地遠離犯菩薩戒垢故云何三地名明焰由無退三摩提及三摩提依止故大法光明依止故云何四地名燒然由助菩提法能焚滅一切障故云何五地名難勝真俗二智更互相違能合難合令相應故云何六地名現前由十二緣生智依止故能